

彙 刊 明清以來公藏書目

本社古籍影印室 輯
北京圖書館出版社

64





明清以來公藏書目

彙

本社古籍影印室 輯
北京圖書館出版社
MINGQING YILAI GONGCANG
SHUMUHUIKAN

64

刊



第六十四册目錄

仙源書院藏書目錄初編	一
福建師範學院圖書館善本書目	三八三
豐湖書藏目錄	五〇九

仙源書院書目

仙源書院藏書目錄初編敘

屯蒙之乾坤化為文明世界雷雨經綸金聲而王振之遂令凡為天下國家者遵之則治倍之則亂此孰為之夫人而知為古者數大聖人之為之也聖人之道今有存焉者乎曰存乎經雖聖人之糟粕也而精神寓焉人生天地間何苦而為學以為我之稟受薄必乞聖人之靈以擴充其聰明材力庶幾萬一有裨於天下後世奄忽僵仆不與草木同腐爾及敬其所有為學者則曰吾有以代焉奚必聖者之委曲繁重為也夫天生蒸民有物有則今乃盡去其物則徒以揣摩擬議者塗澤其間學術為

治術之源人皆以其贗往不誠無物流弊容有究竟乎先正思
有以挽之矣其道安在夫亦曰通經致用實事求是行有恆斯
言有物已孟子曰君子深造以道欲自得之居安資深左右逢
原夫深造之道何道也自得之孰從而得之是故貴乎博學於
文慎思而明辨焉稊經斯叛道矣雖然經之通也固易言而未
易言也三百三千不越乎以人治人而止禮所以歸於約也此
其易言者也其不可得而易言者經之量猶天地之無不覆載
日月之容光必照也學者致曲必不能一蹴觀其會通況復缺
焉有間將欲挹彼注茲而有所不足也經之細天下莫能破也

名物器數之微皆道之散而萬殊者況復古今異其制書文雅
音不相同此通經之所以愈難也所幸傳注百家之說絲延不
絕或識其大或識其小千慮之餘雖復一得一失何莫非藥籠
所須而梯航之助也兵燹以來鄴架曹倉盪然罄罄坊間所售
不過高頭講章朽敗類典之屬耳將執是以求二帝三王伊周
孔孟之精蘊洞鑿古今得失存為道德發為事業著為文章雖
有好學深思之質吾恐虛費日力終其身無由悟入深造自得
言皆有物之謂何可為深惻已中興以來各省設立書局業舉
夫叢編要帙陸續刊布此嘉惠之盛舉而藝林之大慶也

徵慶

沐浴先世遺澤轉徙流離家藏圖籍得之危地而存者尚十五
六時復購求補苴約可五萬卷每念先徵君昔年得之之艱或
其書稀有見比河清或酬值不給重若山負往往以稱貸濡時
為有力奪去至於寢食為廢言之黯然今局書誠易購而寒士
難於辦資亦猶過屠門嚼畫餅耳每冀有兼仁智具大願力之
君子廣羅圖籍充積大廈以餉寒俊俾各寢饋其中以肥其身
施及天下結思成幻往往夢寐覩之同治甲戌繆膺秉鐸之選
自維謏陋不足有裨於學術風教嚮來結習不覺逢人傾吐雖
自知失言所不惜也逾年邑侯鄒君戾止聞之憚其難既而曰

以言導孰若以身倡遂傾其行篋之藏送置書院徵慶亦取插架之有副儲者畧備門目得六十餘種應之於是邑人士以典籍饋者踵相接也以此見鄒君之以實感人而邑人好善慕義之眾多由是引伸觸類繼長增高所謂鄒架曹倉者將復見於今日矣因與在院之士參酌誼例編立書目竊取前賢及先徵君著錄遺意謬加注語非敢以是為鄉導亦冀與邑賢相商確為一人舉解之始耳若夫進德修業相觀而善博學詳說以反於約由四部七畧而討源六籍雜必食蹠馬空其羣積中發外左右逢原豈徒日游文章文林府誇麗藻之彬彬而已乎聖人

在天之靈將必陰騰而默相之雖以彈丸之邑化同鄒魯可也
豈不懿歟

光緒戊寅孟春穀旦

誥授奉政大夫

晉授中議大夫同知銜加三級留直補用知縣甯國府太平縣

教諭前署廬州府舒城縣訓導懷甯馬徵慶謹譔

仙源書院藏書目錄初編後敘

是編始於丙子再逾年更定成冊初次排比者陳之澍小農也
覆編後分繕者周南曉峰黃坤泰厚莽項文翰藹如方瑞華星
階方席珍舉安也覆繕一通者胡伯芬達夫也校勘再過者則
齋長方子之煥雲槎也始余擬為四部諸門目錄舉綱要命曰
問津小錄經部麓就卷帙已多懼人之苦其繁也姑置勿論繕
初橐者達夫也可謂能任其勞矣初是編成冊鄒君欲鈐諸版
以垂永久意至渥也逾年鄒君去任以茲事相屬余曰諾其年
秋則邑中名孝廉孫君玉堂書目續編之刻成於武昌則其集

資由湖南北江揚蘇杭滬上廣州所得者至二千百五十餘種
二萬七八千卷之多皆裝篋整齊孫君之勇於見義如此其識
力良有大過人者邑中倘復得如孫君者協力舉之益復搜求
遺佚俾彫版久散寡傳本者皆得藉以圖存則區區仙源書院
蔚為宇內大觀有日矣鄒君聞續刻既成復以書敦促初編無
已乃屬項佩卿學博汝玫謀授梓始余意以為書目每刻一編
計書不可以不逾萬卷余所編錄稍有芟難存者五千餘卷耳
聞福州通刻 武英殿聚珍版書四千九百餘卷苟得此不須
他圖藉以塞責矣久而弗得將無以復於鄒君故任學博為之

發源濫觴聊解嘲耳抑余又有歎然清夜不能自釋者藏書云
者固欲其慎守多寶永永年代俾勿失墜然豈徒韞櫝而藏龜
玉無毀之說哉數載以來非無二三有志於此者率皆出門課
徒賴館穀為恆產卒卒不獲與卷軸相親附徵慶深為惻然百
計圖之終不能有裨膏火之資俾克留院就讀然邑中作九華
齋會賽神演劇上元張燈諸戲歲率數千金竭膏脂以從事就
中惟張燈一節稍近漢唐而下春儺故事究其意乃主於鄰里
輪年相夸鬥耳余嘗欲令仿禮樂器圖眾姓和同為之勿得歲
歲更易此亦就嬉戲陳俎豆之意相誘非得已
之言也餘舉作孽尤多勸譬無所施其伎倆可不為之痛惜哉若

得大識力者挽回斟酌其間挹彼注茲以厚培文脈而發其光
華將字內實仰賴之此則非孫君輩之是望而誰望哉孫君客
鄂久何時有歸歟之意幸無以鄙言為無厭之請也庚辰陽生

月徵慶再識

信國之知下... 月徵慶再識... 鄂久何時有歸歟之意幸無以鄙言為無厭之請也庚辰陽生

仙源書院初議公集書籍章程

一各省多設書局所刻書籍大率皆精要必備之書而邑人在
各省游宦者既多士人游學四方者亦復不少宜各就所便
集資商購書籍寄置書院院中不收代買書籍錢文以免多
勞往返

一書局刻書各有斷限此外精要未刻之書未易更僕數兵燹
之餘舊刻日益寥落如能購求寄送尤當因罕見珍

一書籍到院即於書目注明送書姓名一俟書目積成卷帙隨
時刊布以示不忘培文重學之至意

一院中書籍公舉四人總理另舉在院肄業或在院教讀者一人專管借書每年的幫薪水如有遺失總理查出專管賠認一書院書籍皆須蓋用學印以昭信守如有古刻珍祕之本閱者不得以近刻本換出如有更驚罰從奪牛

一書籍漸充急須講求讀書之法務令積書之後與未積書之先氣象大不相同要於文章經濟上見出於精神福澤上見出於風俗人心上見出才是藏書真實作用非徒欲汗牛充棟萬軸琳琅為夸多鬪靡計也

一恆心恆產未可兼營銳意攻苦之士寒素為多如能厚置膏